


岐陽先生考訂

不許翻刻
千里必究

合刻檀弓孟子批點

浪花書肆 稱觥堂梓行



合刻檀弓孟子序

淺草文庫

三墳五典九丘八索、吾未聞有伏生存焉、夏商之際、必也載於簡、而後能瓜瓞後世、且文之不可已也、如是、宋世無文、辭、日月不明、仲尼曰、辭遠而已矣、若也者、文辭也、其言語不同、辭而為文、安乎成名、不然、何言之不文、亦足以行遠矣、予獨愛其辭、飭而意不達、其來自轉、抑

檀弓批點序

574-12

對六朝之粉飾。祖孟子。唱古文也。今之
稱古文者。遂擯孟子。不取焉。夫辭有正
有譎。文有雅有辟。以余觀之。孟子殊無
譎與辟。未見其或而正之雅者。韓柳韓而
歐蘇。歐蘇特而語錄。豈孟子之眾哉。洙
泗之後。儒者能言者。若孟子者。苟祖孟
子而不為孟子之奴。於儒家文辭。豈
孟子豈可擯歟。曰者。洛縣先生之所獲。

謝蘊二氏所批。檀弓孟子之書。卒業。以
二氏以為警。中肯綮。不啻庖丁解牛。
若夫檀弓。與左氏胡禎。時或出其右。唯
是洛誦之孫。知讀檀弓。不知讀檀弓之文。
謝君乃一上之。一不其。是或可庶
幾歟。於是肄業之暇。旁註國字。以便誦讀。
且書刻一二疏義。不與文章者。後人所
知。以謝君之意。今悉刻之。從簡。願學古

文者得二子之意讀二書焉思過半也
抑亦涉險之津梁也頃刻刷清梓而傳
不許三余曰吾邑多吾道者龜玉毀於楨
中是誰之責與嘉之又蠹皮之不存如之
何治之哉治之哉遂命上梨齋云

延寧丙寅夏六月 長門 仲由基題




書檀弓孟子批點後

八家注孟子卷山批點檀弓若泉批點孟子
於坊間物迥以是式王會稽十字文不必
出乎二子然其批點評論精覈周游非老
於文章者不能為焉後及見清人崑山徐
崇有經史初學撥發極言曰儒者為經
者若宋使不可評謝堂山何以評檀弓

老幼何以誨多子由是觀之二書傳播久
之亦謬焉唯為王季古文之以厭不甚著
焉身命置帳中云

縣孝孺



刻檀弓

或曰檀弓多附會非孔氏之徒之書也篇中有仲梁
子蓋七國人嘗讀春秋傳魯定之五年傳載仲梁懷
豈亦七國人耶其不得執是而謂是書也出於七國
後明矣書詩尚矣醇則不能無疵是以仲尼刪定焉
茲固成於泣麟後筆削所未逮焉者惡得而盡雅馴
哉然則我與若亦既其文而已矣若夫語簡而駭旨
微而達峻如懸嵯峙石捷於足電流光自是古今第
一偉觀也楊用脩氏謂非扛千斛龍文鉉九未許語
此豈虛言哉有宋謝疊山先生舊有批點全篇行於

當此齋

世通為坊刻竄易并經文芟夷之非本來矣頃從弟子京所見謝高泉先生所校本蓋舊本也兼有用脩附注援引淹博足備參稽因彙注疏集注集說諸書太其繁而存其要以著於簡端而品題則仍謝之舊先生丁宋之季高儀勁節昭昭天壤間斯真能讀檀弓者安在其不雅馴哉皇明万曆丙辰秋九月劄劂告成彫鏤既極人工工為之一笑

吳興後學閔齋仍遇五父識

檀弓

上篇

疊山謝坊得批點

何居只是何也與夜如何其同義何也則方何居則圓疊一句法使人悟其意犯隱有無致方心只七字安頓

公儀仲子之喪檀弓免焉問句法仲子舍其孫而立其子檀弓曰何居我未之前聞也趨而就子服伯子於門右曰仲子舍其孫而立其子何也伯子曰仲子亦猶行古之道也昔者文王舍伯邑考而立武王微子舍其孫臚而立衍也夫仲子亦猶行古之道也子游問諸孔子孔子曰否立孫句法事親有隱而無犯左右就養無方服勤至死致喪三

檀弓批點

得好便省
幾多

年事君有犯而無隱。左右就養有方。服勤至死。方喪
三年。事師無犯無隱。左右就養無方。服勤至死。心喪
三年。

含董有味

季武子成寢。杜氏之葬。在西階之下。請合葬焉。許之。
入宮而不敢哭。武子曰。合葬非古也。自周公以來。未
之有改也。吾許其大而不許其細。何居。命之哭。
子上之母死而不喪。門人問諸子思。曰。昔者子之先
君子喪出母乎。曰。然。子之不使白也。喪之何也。子思
曰。昔者吾先君子無所失道。道隆則從而隆。道污則
從而污。伋則安。能為伋也。妻者是為白也。母不為伋。

也。妻者是不為白也。母故孔氏之不喪出母。自子思
始也。

孔子曰。拜而后禭。禭乎其順也。禭而后拜。傾乎
其至也。三年之喪。吾從其至者。

孔子既得合葬於防。曰。吾聞之。古也。墓而不墳。今丘
也。東西南北之人也。不可以弗識也。於是封之。崇四
尺。孔子先反。門人後。雨甚至。孔子問焉。曰。爾來何遲
也。曰。防墓崩。孔子不應。三孔子法。然流涕曰。吾聞之。
古不脩墓。

辭婉而慘

孔子哭子路於中庭。有人弔者。而夫子拜之。既哭。進

注

只是周行
四左下東
西南北字
便奇異

使者而問故。使者曰：醢之矣。遂命覆醢。

曾子曰：朋友之墓，有宿草而不哭焉。子思曰：喪三日而殯，凡附於身者，必誠必信，勿之有悔焉耳矣。三月而葬，凡附於棺者，必誠必信，勿之有悔焉耳矣。喪三年以爲極，亡則弗之忘矣。故君子有終身之憂，而無一朝之患。故忌日不樂。

孔子少孤，不知其墓，殯於五父之衢。人之見之者，皆以爲葬也。其慎也。蓋殯也。問於郈曼父之母，然後得合葬於防。

鄰有喪，春不相。里有殯，不巷歌。喪冠不綏。

有虞氏瓦棺。夏后氏，稷聖周。殷人，棺槨。周人，牆置翬。周人以殷人之棺槨，葬長殤。以夏后氏之聖周，葬中殤。下殤，以有虞氏之瓦棺。葬無服之殤。夏后氏尚黑，大事歛用昏。戎事乘驪。牲用玄。殷人尚白，大事歛用日中。戎事乘翰。牲用白。周人尚赤，大事歛用日，出戎事乘駟。牲用騂。

穆公之母卒，使人問於曾子曰：如之何。對曰：申也。聞諸申之父曰：哭泣之哀，齊斬之情，饘粥之食，自天子達。布幕衛也。緘幕魯也。

晉獻公將殺其世子申生，公子重耳謂之曰：子蓋言

不相杵卷，不歌諛便，不如此效。

交錯對法，塩鐵論春。

達字含，簡。

檀弓比類

妙在安字
傷字

百五十字
而包曲折
有他人千
言不盡者
左傳國語
穀梁皆載
此事併觀
之優劣自
見

省文

婉而嚴

子之志於公乎。世子曰。不可。君安驪姬是我傷公之
心也。曰。然則蓋行乎。世子曰。不可。君謂我欲弑君也。
天下豈有無父之國哉。吾何行如之。使人辭於狐突。
曰。申生有罪。不念伯氏之言也。以至於死。申生不敢
愛其死。雖然。吾君老矣。子少。國家多難。伯氏不出而
圖吾君。伯氏苟出而圖吾君。申生受賜而死。再拜稽
首。乃卒。是以為恭。世子也。
魯人有朝祥而莫歌者。子路笑之。夫子曰。由爾責於
人。終無已夫。三年之喪亦已久矣。夫子路出。夫子曰。
又多乎哉。踰月則其善也。

魯莊公及宋人戰於乘丘。縣賁父御。卜國為右。馬驚
敗績。公隊。佐車授綏。公曰。未之卜也。縣賁父曰。他日
不敗績。而今敗績。是無勇也。遂死之。圉人浴馬。有流
矢在白肉。公曰。非其罪也。遂誅之。士之有誅。自此始
也。

曾子寢疾病。樂正子春坐於牀下。曾元曾申坐於足
童子隅坐而執燭。童子曰。華而睨。大夫之筭與。子春
曰。止。曾子聞之。瞿然曰。呼。曰。華而睨。大夫之筭與。曾
子曰。然。斯季孫之賜也。我未之能易也。元起。易筭。曾
元曰。夫子之病革矣。不可以變。幸而至於旦。請敬易

之。曾子曰。爾之愛我也。不如彼。君子之愛人也。以德細人之愛人也。以姑息。吾何求哉。吾得正而斃焉。斯已矣。舉扶而易之。反席未安而沒。始死。充充如有窮。既殯。瞿瞿如有求而弗得。既葬。皇皇如有望而弗至。練而慨然。祥而廓然。邾婁復之以矢。蓋自戰於升陘始也。魯婦人之髻而手也。自敗於臺。鮪始也。南宮縚之妻之姑之喪。夫子誨之。髻曰。爾毋從從爾母。扈爾蓋。榛以為笄。長尺而總八寸。爾。孟獻子禫。縣而不樂。比御而不入。夫子曰。獻子加於

人一等矣。

孔子既祥五日。彈琴而不成聲。十日而成笙歌。有子蓋既祥而絲履。組纓。死而不弔者三。畏厭溺。子路有姊之喪。可以除之矣。而弗除也。孔子曰。何弗除也。子路曰。吾寡兄弟而弗忍也。孔子曰。先王制禮。行道之人。皆弗忍也。子路聞之。遂除之。太公封於營丘。比及五世。皆反葬於周。君子曰。樂樂其所自生。禮不忘其本。古之人有言曰。狐死正首。仁也。

不言不當
哭但歎其
甚意在言
外

伯魚之母死期而猶哭夫子聞之曰誰與哭者門人
曰鯉也夫子曰嘻其甚也伯魚聞之遂除之
舜葬於蒼梧之野蓋三妃未之從也季武子曰周公
益章法禘章法

曾子之喪浴於爨室

大功廢業或曰大功誦可也

子張病召申祥而語之曰君子曰終小人曰死吾今日其庶幾乎

曾子曰始死之奠其餘閣也與

曾子曰小功不為位也者是委巷之禮也子思之哭

嫂也為位婦人倡踊申祥之哭言志也亦然

古者冠縮縫今也衡縫故喪冠之反吉非古也

曾子謂子思曰伋吾執親之喪也水漿不入於口者

七日子思曰先王之制禮也過之者俯而就之不至

焉者跂而及之故君子之執親之喪也水漿不入於

口者三日杖而后能起

曾子曰小功不稅則是遠兄弟終無服也而可乎

伯高之喪孔氏之使者未至冉子攝束帛乘馬而將

之孔子曰異哉徒使我不誠於伯高

伯高死於衛赴於孔子孔子曰吾惡乎哭諸兄弟吾

哭諸廡。父之友。吾哭諸廡門之外。師。吾哭諸寢門之外。所。知。吾哭諸野。於野。則已。疏於寢。則已。重。夫。由。賜也。見我。吾哭諸賜氏。遂命子貢為之主。曰。為爾哭也。來者拜之。知伯高而來者勿拜也。會子曰。喪有疾。食肉飲酒。必有草木之滋焉。以為薑桂之謂也。

子夏喪其子而喪其明。會子弔之。曰。吾聞之也。朋友喪明則哭之。會子哭。子夏亦哭。曰。天乎。予之無罪也。會子怒曰。商女何無罪也。吾與女事夫子於洙泗之間。退而老於西河之上。使西河之民疑女於夫子。爾

罪一也。喪爾親。使民未有聞焉。爾罪二也。喪爾子。喪爾明。爾罪三也。而曰。爾何無罪。與。子夏投其杖而拜。曰。吾過矣。吾過矣。吾離羣而索居。亦已久矣。夫晝居於內。問其疾。可也。夜居於外。弔之。可也。是故君子非有大故。不病於外。非致齊也。非疾也。不晝夜居於內。
高子臯之執親之喪也。泣血三年。未嘗見齒。君子以為難。
衰與其不當物也。寧無衰。齊衰不以邊坐。大功不以服勤。

孔子之衛。遇舊館人之喪。入而哭之。哀出。使子貢說
驂而賻之。子貢曰。於門人之喪。未有所說。驂說驂於
舊館。無乃已重乎。夫子曰。予鄉者入而哭之。遇於一
哀。而出涕。予惡夫涕之無從也。小子行之。

孔子在衛。有送葬者。而夫子觀之。曰。善哉。為喪乎。足
以為法矣。小子識之。子貢曰。夫子何善爾也。曰。其往
也。如慕其反也。如疑。子貢曰。豈若速反而虞乎。子曰。
小子識之。我未之能行也。

顏淵之喪。饋祥肉。孔子出受之。入。彈琴而后食之。
孔子與門人立。拱而尚右。二三子亦皆尚右。孔子曰。

二三子之嗜學也。我則有姊之喪。故也。二三子皆尚
左。

孔子蚤作。負手曳杖。消搖於門。歌曰。泰山其頽乎。梁
木其壞乎。哲人其萎乎。既歌而入。當戶而坐。子貢聞
之曰。泰山其頽則吾將安仰。梁木其壞則哲人其萎則
吾將安放。夫子殆將病也。遂趨而入。夫子曰。賜爾來
何遲也。夏后氏殯於東階之上。則猶在阼也。殷人殯
於兩楹之間。則與賓主夾之也。周人殯於西階之上。
則猶賓之也。而丘也殷人也。予疇昔之夜。夢坐奠於
兩楹之間。夫明王不興而天下其孰能宗予。予殆將

劉尚書美
中家有古
本禮記梁
木其壞下
有則吾將
安仗五字

死也。蓋寢疾七日而沒。

孔子之喪。門人疑所服。子貢曰。昔者夫子之喪。顏淵若喪子而無服。喪子路亦然。請喪夫子。若喪父而無服。

孔子之喪。公西赤為志焉。飾棺。牆。置翣。設披。周也。設崇。殷也。綢練。設旒。夏也。

子張之喪。公明儀為志焉。褚。幕。丹。質。蟻。結於四隅。殷士也。

子夏問於孔子曰。居父母之仇。如之何。夫子曰。寢苦。枕干。不仕。弗與。其天下也。遇諸市朝。不反兵而鬪。曰。

請問居昆弟之仇。如之何。曰。仕。弗與。其國。銜君命而使。雖遇之。不鬪。曰。請問居從父昆弟之仇。如之何。曰。不為魁。主人能。則執兵而陪其後。

孔子之喪。二三子皆經。而出羣居。則經。出則否。易墓。非古也。

子路曰。吾聞諸夫子。喪禮與其哀不足而禮有餘也。不若禮不足而哀有餘也。祭禮與其敬不足而禮有餘也。不若禮不足而敬有餘也。

曾子弔於負夏。主人既祖。填池。推柩而反之。降婦人而后行禮。從者曰。禮與。曾子曰。夫祖者。且也。且胡為。

其不可以反病也。從者又問諸子游曰：禮與？子游曰：飯於牖下，小歛於戶內，大歛於阼，殯於客位，祖於庭，葬於墓，所以即遠也。故喪事有進而無退。曾子聞之曰：多矣乎！予出祖者。

曾子襲裘而弔，子游裼裘而弔。曾子指子游而示人曰：夫，夫也。為習於禮者，如之何其裼裘而弔也？主人既小歛，袒括髮，子游趨而出，襲裘帶經而入。曾子曰：我過矣！我過矣！夫，夫是也。

子夏既除喪而見，弔之。琴和之，而子和，彈之，而成聲，作而曰：哀未忘也。先王制禮，而弗敢過也。子張既除喪而見，弔之。琴和之，而和，彈之，而成聲，作而曰：先王制禮，不敢不至焉。

司寇惠子之喪，子游為之麻，衰牡麻，經。文子辭曰：子辱與彌牟之弟游，又辱為之服，敢辭。子游曰：禮也。文子退，反哭，子游趨而就諸臣之位。文子又辭曰：子辱與彌牟之弟游，又辱為之服，又辱臨其喪，敢辭。子游曰：固以請，文子退，扶適子南面而立，曰：子辱與彌牟之弟游，又辱為之服，又辱臨其喪，虎也，敢不復位。子游趨而就客位。

將軍文子之喪，既除喪而後，越人來弔，主人浹衣練。

韓子所謂
橫空盤硬
語安帖力
按寡也

不可一在
前二在後
俱有章法
古人所語
不亂下如

嬰兒失母
哭無休三
字用容且
盡且有

冠待于廬垂涕洟子游觀之曰將軍文氏之子其庶
幾乎亡於禮者之禮也其動也中
幼名冠字五十以伯仲死諡周道也經也者實也掘
中雷而浴毀竈以綴足及葬毀宗躡行出于大門殷
道也學者行之

子柳之母死子碩請具子柳曰何以哉子碩曰請粥
庶弟之母子柳曰如之何其粥人之母以葬其母也
不可既葬子碩欲以賻布之餘具祭器子柳曰不可
吾聞之也君子不家於喪請班諸兄弟之貧者
君子曰謀人之軍師敗則死之謀人之邦邑危則亡

之

公叔文子升於瑕丘蘧伯玉從文子曰樂哉斯丘也
死則我欲葬焉蘧伯玉曰吾子樂之則瑗請前
弁人有其母死而孺子泣者孔子曰哀則哀矣而難
為繼也夫禮為可傳也為可繼也故哭踊有節
叔孫武叔之母死既小斂舉者出尸出戶袒且投其
冠括髮子游曰知禮
扶君卜人師扶右射人師扶左君薨以是舉
從母之夫舅之妻二夫人相為服君子未之言也或
曰同襲總

檀弓此章

也。昔者夫子居於宋。見桓司馬自爲石椁。三年而不
成。夫子曰。若是其靡也。死不如速朽之愈也。死之欲
速。朽爲桓司馬言之也。南宮敬叔反。必載窆而朝。夫
子曰。若是其貨也。喪不如速貧之愈也。喪之欲速。貧
爲敬叔言之也。曾子以子游之言告於有子。有子曰。
然。吾固曰非夫子之言也。曾子曰。子何以知之。有子
曰。夫子制於中都。四寸之棺。五寸之槨。以斯知不欲
速朽也。昔者夫子失魯司寇。將之荆。蓋先之以子夏。
又申之以冉有。以斯知不欲速貧也。
陳莊子死。赴於魯。魯人欲勿哭。繆公召縣子而問焉。

縣子曰。古之大夫束脩之間。不出竟。雖欲哭之。安得
而哭之。今之大夫。交政於中國。雖欲勿哭。焉得而弗
哭。且臣聞之。哭有二道。有愛而哭之。有畏而哭之。公
曰。然。然則如之何。而可。縣子曰。請哭諸異姓之廬。於
是與哭諸縣氏。

仲憲言於曾子曰。夏后氏用明器。示民無知也。殷人
用祭器。示民有知也。周人兼用之。示民疑也。曾子曰。
其不然乎。其不然乎。夫明器。鬼器也。祭器。人器也。夫
古之人。胡爲而死其親乎。
公叔木有同母異父之昆弟死。問於子游。子游曰。其



大功乎。狄儀有同母異父之昆弟死。問於子夏。子夏曰。我未之前聞也。魯人則為之。齊衰狄儀行。齊衰今之齊衰狄儀之問也。

子思之母死於衛。柳若謂子思曰。子聖人之後也。四方於子乎。觀禮。子蓋慎諸。子思曰。吾何慎哉。吾聞之。有其禮。無其財。君子弗行也。有其財。無其時。君子弗行也。吾何慎哉。

縣子瑣曰。吾聞之。古者不降。上下各以其親。滕伯文為孟虎齊衰。其叔父也。為孟皮齊衰。其叔父也。后水曰。喪。吾聞諸縣子曰。夫喪不可不深。長。恩也。買。

棺外內易。我死則亦然。

曾子曰。尸未設飾。故帷堂。小斂而徹帷。婦方亂。故帷堂。小斂而徹帷。

小斂之奠。子游曰。於東方。曾子曰。於西方。斂斯席矣。小斂之奠。在西方。魯禮之末失也。

縣子曰。裕衰總裳。非古也。子蒲卒。哭者呼滅。子臯曰。若是野哉。哭者改之。

杜橋之母之喪。宮中無相。以為沽也。夫子曰。始死。羔裘玄冠者。易之而已。羔裘玄冠。夫子不以弔。

其不稱先
王而輒許
諾如禮出
於已也機
鋒極冷晉
人世說類
此
又在以日
而又字

子游問喪具。夫子曰：稱家之有，亡。子游曰：有亡，惡乎？
齊。夫子曰：有母過禮，苟亡矣。斂手足，形還葬。縣棺而
封。人豈有非之者哉？

司士賁告於子游曰：請襲於牀。子游曰：諾。縣子聞之
曰：汰哉叔氏，專以禮許人。

宋襄公葬其夫人，醯醢百甕。曾子曰：既曰明器矣，而
又實之。

孟獻子之喪，司徒旅歸四布。夫子曰：可也。
讀。曾子曰：非古也，是再告也。

成子高寢疾，慶遺入請曰：子之病革矣，如至乎大病。

則如之何。子高曰：吾聞之也。生有益於人，死不害於
人。吾縱生無益於人，吾可以死。害於人乎哉？我死則
擇不食之地而葬我焉。

子夏問諸夫子曰：居君之母與妻之喪，居處言語飲
食，衍爾。

賓客至，無所館。夫子曰：生於我乎，館死於我乎，殯
國子高曰：葬也者，藏也。藏也者，欲人之弗得見也。是

故衣足以飾身，棺周於衣，槨周於棺，土周於槨，反壤
樹之哉。

孔子之喪，有自燕來觀者。舍於子夏氏。子夏曰：聖人

檀弓此點

十五

之葬入與人之葬聖人也。子何觀焉。昔者夫子言之曰。吾見封之若堂者矣。見若坊者矣。見若覆夏屋者矣。見若斧者矣。從若斧者焉。馬鬣封之謂也。今日而三斬板而已封。尚行夫子之志乎哉。婦人不葛帶。

有薦新如朔奠。

既葬各以其服除。

池視重霽。

君即位而為櫛。歲一漆之。藏焉。

復楔齒綴足飯設飾帷堂竝作。父兄命赴者。

君復於小寢。大寢。小祖。大祖。庫門。四郊。喪不剝奠也。與祭肉也。與。既殯。旬而布材。與明器。

朝奠。日出。夕奠。逮日。

父母之喪。哭無時。使必知其反也。

練。練衣。黃裏。線緣。葛要。經繩。屨無絢。角填。鹿裘。衡長。

祛。祛。裼之可也。

有殯。聞遠。兄弟之喪。雖總必往。非兄弟。雖鄰不往。所

識。其兄弟不同居者。皆弔。

天子之棺。四重。水兕革棺被之。其厚三寸。地棺一。梓。

棺二。四者皆周。

棺束。縮二衡。三社。每束一栢。椁以端。長六尺。

天子之哭。諸侯也。爵弁。經紵衣。或曰。使有司哭之。為

之。不以樂食。

天子之殯也。菽塗。龍輶。以椁。加斧于椁上。畢塗屋。天

子之禮也。

唯天子之喪。有別姓而哭。

魯哀公誅孔丘。曰。天不遺耆老。莫相予位焉。嗚呼哀

哉。尼父。

國亡。大縣。邑。公。卿。大夫。士。皆厭冠。哭於大廟。三日。君

左傳所錄
有屏余一
人語今記
條之如此

不舉。或曰。君舉而哭於后土。

孔子惡野哭者。

未任者。不敢稅人。如稅人。則以父兄之命。

士備入。而後朝夕踊。祥而縞。是月禫。徙月樂。

君於士。有賜。幣。

檀弓上篇終

檀弓 卷之十一 下篇 壘山謝坊得批點

檀弓

下篇

壘山謝坊得批點

君之適長殯車三乘公之庶長殯車一乘大夫之適長殯車一乘

公之喪諸達官之長杖

君於大夫將葬弔於宮及出命引之三步則止如是者三君退朝亦如之哀次亦如之

五十無車者不越疆而弔入

季武子寢疾疇固不說齊衰而入見曰斯道也將亡矣士唯公門說齊衰武子曰不亦善乎君子表微及

斯道之微 唯君子為 能表之亦 是倒句不 倒不頓柱

林氏、抄撰

其喪也。會黜倚其門而歌。
大夫弔當事而至則辭焉。
弔於人。是日不樂。婦人不越疆而弔。人行弔之日不飲酒食肉焉。
弔於葬者。必執引。若從柩及壙。皆執紼。
喪公弔之。必有拜者。雖朋友州里舍人可也。弔曰。寡君承事主人。曰。臨。
君遇柩於路。必使人弔之。
大夫之喪。庶子不受弔。
妻之昆弟為父後者死。哭之。適室子為主。祖免哭踊。

夫入門右。使入立於門外。告來者。狎則入哭。哭在哭於妻之室。非為父後者。哭諸異室。
有殯聞遠兄弟之喪。哭于側室。無側室。哭于門內之右。同國則往哭之。
子張死。曾子有母之喪。齊衰而往哭之。或曰。齊衰不以弔。曾子曰。我弔也。與哉。
有若之喪。悼公弔焉。子游攬由左。
齊穀王姬之喪。魯莊公為之大功。或曰。由魯嫁故為之服。姊妹之服。或曰。外祖母也。故為之服。
晉獻公之喪。秦穆公使人弔。公子重耳且曰。寡人聞

禮記、檀弓、北

之亡國恒於斯得國恒於斯雖吾子儼然在憂服之中喪亦不可久也時亦不可失也孺子其圖之以告舅犯舅犯曰孺子其辭焉喪人無審仁親以為審父死之謂何又因以為利而天下其孰說之孺子其辭焉公子重耳對客曰君惠甲亡臣重耳身喪父死不_レ得與於哭泣之哀以為君憂父死之謂何或敢有他志以辱君義替顙而不拜哭而起起而不私子顯以致命於穆公穆公曰仁夫公子重耳夫替顙而不拜則未為後也故不成拜哭而起則愛父也起而不私則遠利也

說如字

帷殯非古也自敬姜之哭穆伯始也喪禮哀戚之至也節哀順變也君子念始之者也復盡愛之道也有禱祠之心焉望反諸幽求諸鬼神之道也北面求諸幽之義也拜替顙哀戚之至隱也替顙隱之甚也飯用米貝弗忍虛也不以食道用美焉爾銘明旌也以死者為不可別已故以其旗識之愛之斯錄之矣敬之斯盡其道焉耳重主道也殷主綴重焉周主重徹焉奠以素器以生者有哀素之心也唯祭祀之禮主人自盡焉爾豈知神之所饗亦以主

檀弓北

人有齊敬之心也。

辟踊哀之至也。有算為之節文也。袒括髮變也。愠哀之變也。去飾去美也。袒括髮去飾之甚也。有所袒有所襲哀之節也。

弁經葛而葬與神交之道也。有敬心焉。周人弁而葬。

殷人冔而葬。

歡主人主婦室老為其病也。君命食之也。

反哭升堂反諸其所作也。主婦入于室反諸其所養也。反哭之弔也。哀之至也。反而亡焉。失之矣。於是為其殷既封而弔周反哭而弔。孔子曰。殷已慤吾從周。

葬於北方北首。三代之達禮也。之幽之故也。既封主人贈而祝宿虞尸。既反哭主人與有司視虞牲。有司以几筵舍奠於墓左。反日中而虞葬。日虞弗忍一日離也。是日也。以虞易奠。

卒哭曰成事。是日也。以吉祭。易喪祭。明日祔于祖父。其變而之吉祭也。比至於祔。必於是日也。接不忍一日未有所歸也。殷練而祔。周卒哭而祔。孔子善殷。君臨臣喪。以巫祝桃茢執戈惡之也。所以異於生也。喪有死之道焉。先王之所難言也。

上之訓往
下之語助
文章假借
相形妙

喪之朝也。順死者之孝心也。其哀離其室也。故至於

祖考之廟而后行。殷朝而殯於祖。周朝而遂葬。孔子謂爲明器者。知喪道矣。備物而不可用也。哀哉。死者而用生者之器也。不殆於用。殆乎哉。其曰明器。神明之也。塗車芻靈。自古有之。明器之道也。孔子謂爲芻靈者。善。謂爲俑者。不仁。不殆於用人乎哉。穆公問於子思曰。爲舊君反服。古與。子思曰。古之君子。進人以禮。退人以禮。故有舊君反服之禮也。今之君子。進人若將加諸膝。退人若將隊諸淵。毋爲戎首。不亦善乎。又何反服之禮之有。悼公之喪。季昭子問於孟敬子曰。爲君何食。敬子曰。

長句法

食粥。天下之達禮也。吾三臣者之不能居公室也。四方莫不聞矣。勉而爲瘠。則吾能。毋乃使人疑夫不以情居瘠者乎哉。我則食食。

四字句
三助語

衛司徒敬子死。子夏弔焉。主人未小斂。經而往。子游弔焉。主人既小斂。子游出。經反哭。子夏曰。聞之也。與。曰。聞諸夫子。主人未改服。則不經。

曾子曰。晏子可謂知禮也已。恭敬之有焉。有若曰。晏子一狐裘三十年。遣車一乘。及墓而反。國君七个。遣車七乘。大夫五个。遣車五乘。晏子焉。知禮。曾子曰。國無道。君子恥盈禮焉。國奢則示之以儉。國儉則示之以

檀弓北帖

以禮

國昭子之母死問於子張曰葬及墓男子婦人安位
子張曰司徒敬子之喪夫子相男子西鄉婦人東鄉
曰噫毋曰我喪也斯沾爾專之賓為賓焉主為主焉
婦人從男子皆西鄉

穆伯之喪敬姜晝哭文伯之喪晝夜哭孔子曰知禮
矣

文伯之喪敬姜據其牀而不哭曰昔者吾有斯子也
吾以將為賢人也吾未嘗以就公室今及其死也朋
友諸臣未有出涕者而內人皆行哭失聲斯子也必

多曠於禮矣夫

季康子之母死陳褻衣敬姜曰婦人不飾不敢見舅
姑將有四方之賓來褻衣何為陳於斯命徹之

有子與子游立見孺子慕者有子謂子游曰予壹不
知夫喪之踊也予欲去之久矣情在於斯其是也夫

子游曰禮有微情者有以故興物者有直情而徑行
者戎狄之道也禮道則不然人喜則斯陶陶斯咏咏

斯猶猶斯舞舞斯愠愠斯戚戚斯歎歎斯辟辟斯踊
矣品節斯斯之謂禮人死斯惡之矣無能也斯倍之

矣是故制絞衾設奠娶為使入勿惡也始死脯醢之

結得斷絕

鄱陽洪氏曰。鄒乃夫差之宰陳遣使者正用行人則儀乃陳臣也。記禮者簡策差互更錯其名。

奠將行。遣而行之。既葬而食之。未有見其饗之者也。自上世以來。未之有舍也。為使人勿倍也。故子之所刺於禮者。亦非禮之訾也。

吳侵陳。斬祀殺厲。師還出竟。陳大宰嚭使於師。夫差謂行人儀曰。是夫也多言。盍嘗問焉。師必有名。人之稱斯師也者。則謂之何。太宰嚭曰。古之侵伐者。不斬祀。不殺厲。不獲二毛。今斯師也。殺厲與其不謂之殺厲之師。與曰。及爾地。歸爾子。則謂之何。曰。君王討敝邑之罪。又矜而赦之。師與有無名乎。顏丁善居喪。始死。皇皇焉。如有求而弗得。及殯。望望焉。如有從而弗及。既葬。慨焉。如有不及。其反而息焉。子張問曰。書云。高宗三年不言。言乃讙。有諸。仲尼曰。胡為其不然也。古者天子崩。王世子聽於冢宰。三年。知悼子卒。未葬。平公飲酒。師曠李調侍。鼓鐘。杜蕢自外來。聞鐘聲。曰。安在。曰。在寢。杜蕢入寢。歷階而升。酌曰。曠飲。斯又酌曰。調飲。斯又酌。堂上北面坐飲之。降趨而出。平公呼而進之。曰。蕢。曩者爾心或開予。是以不與爾言。爾飲曠何也。曰。子卯不樂。知悼子在堂。斯其為子卯也大矣。曠也太師也。不以詔。是以飲之也。爾飲調何也。曰。調也。君之褻臣也。為一飲一食忘君。

檀弓之載事言簡而不疎言深而不晦雖左氏之富豔致奪飛於前乎如此章左云辰在子卯謂之疾且君徹饗學入居業為疾故也君之卿佐是謂股肱股肱或虧何痛如之此十七字

檀弓之載事言簡而不疎言深而不晦雖左氏之富豔致奪飛於前乎如此章左云辰在子卯謂之疾且君徹饗學入居業為疾故也君之卿佐是謂股肱股肱或虧何痛如之此十七字

之疾。是以飲之也。爾飲何也。曰：蕢也。罕夫也。非乃匕。是共又敢知防。是以飲之也。平公曰：寡人亦有過焉。與酌而飲寡人。杜蕢洗而揚解。公謂侍者曰：如我死。則必毋廢斯爵也。至于今。既畢。獻斯揚解。謂之杜舉。公叔文子卒。其子戍請諡於君。曰：日月有時。將葬矣。請所以易其名者。君曰：昔者衛國凶饑。夫子為粥。與國之餓者。是不亦惠乎。昔者衛國有難。夫子以其死衛寡人。不亦貞乎。夫子聽衛國之政。脩其班制。以與四鄰交。衛國之社稷不辱。不亦文乎。故謂夫子貞惠文子。

沐浴佩玉凡四用而
不厭其復
史記多此
等文法

石駘仲卒。無適子。有庶子六人。上所以為後者曰：沐浴佩玉。則兆五人者皆沐浴。佩玉石。祁子曰：孰有執親之喪而沐浴佩玉者乎。不沐浴佩玉石。祁子兆衛人以龜為有知也。

陳子車死於衛。其妻與其家大夫謀以殉葬。定而后陳子亢至。以告曰：夫子疾。莫養於下。請以殉葬。子亢曰：以殉葬。非禮也。雖然。則彼疾當養者。孰若妻與宰。得已。則吾欲已。不得已。則吾欲以二子者。之為之也。於是弗果用。

子路曰：傷哉貧也。生無以為養。死無以為禮也。孔子

檀弓此點

曰。啜菽飲水。盡其歡斯之謂孝。歛手足形還葬而無槨。稱其財斯之謂禮。

衛獻公出奔。及於衛。及郊。將班邑於從者。而后入。柳

莊曰。如皆守社稷。則孰執羈勒而從。如皆從。則孰守

社稷。君反其國。而有私也。母乃不可乎。弗果班。

衛有大史曰柳莊。寢疾。公曰。若疾革。雖當祭。必告公

再拜。誓首。請於尸曰。有臣柳莊也者。非寡人之臣。社

稷之臣也。聞之。死。請往。不釋服而往。遂以祔之。與之

邑。裘氏與縣潘氏。書而納諸棺。曰。世世萬子孫毋變

也。

陳乾昔寢疾。屬其兄弟。而命其子尊已曰。如我死。則

必大為我棺。使吾二婢子夾我。陳乾昔死。其子曰。以

殉葬。非禮也。況又同棺乎。弗果殺。

仲遂卒于垂。壬午。猶繹。萬入。去籥。仲尼曰。非禮也。卿

卒。不繹。

季康子之母死。公輸若方小。斂般請以機封。將從之。

公肩假曰。不可。夫魯有初。公室視豐碑。三家視桓楹。

般爾。以人之母。嘗巧則豈不得以其母以嘗巧者乎。

則病者乎。噫。弗果從。

戰于郎。公叔禺人遇負杖入保者息。曰。使之雖病也。

吳澄曰。嘗猶試也。得字絕句。

檀弓此節

三十一

任之雖重也。君子不能為謀也。士弗能死也。不可我則既言矣。與其鄰重。汪錡往。皆死焉。魯人欲勿殤重。汪錡問於仲尼。仲尼曰。能執干戈以衛社稷。雖欲勿殤也。不亦可乎。

子路去魯。謂顏淵曰。何以贈我。曰。吾聞之也。去國則哭于墓。而后行。反其國。不哭。展墓而入。謂子路曰。何以處我。子路曰。吾聞之也。過墓則式。過祀則下。

工尹商陽與陳弃疾追吳師。及之。陳弃疾謂工尹商陽曰。王事也。子手弓而可。手弓子射。諸射之斃一人。韞弓。又及。謂之。又斃二人。每斃一人。揜其目。止其御。

魯成十三
年曹宣公
卒于師桓
之誤也

曰。朝不坐。燕不與。殺三人。亦足以反命矣。孔子曰。殺入之中。又有禮焉。

諸侯伐秦。曹桓公卒于會。諸侯請令使之襲。

襄公朝于荆。康王卒。荆人曰。必請襲魯人。曰。非禮也。

荆人強之。巫先拂柩。荆人悔之。

滕成公之喪。使子叔敬叔弔。進書。子服惠伯為介。及

郊。為懿伯之忌。不入。惠伯曰。政也。不可以叔父之私

不將公事。遂入。

哀公使人弔。蕢尚遇諸道。辟於路。盡宮而受弔焉。曾

子曰。蕢尚不如杞梁之妻之知禮也。齊莊公襲莒于

奪。祀。梁。死。焉。其。妻。迎。其。柩。於。路。而。哭。之。哀。莊。公。使。人。甲。之。對。曰。君。之。臣。不。免。於。罪。則。將。肆。諸。市。朝。而。妻。妾。執。君。之。臣。免。於。罪。則。有。先。人。之。敝。廬。在。君。無。所。辱。命。孺。子。鬻。之。喪。哀。公。欲。設。撥。問。於。有。若。曰。其。可。也。君。之。三。臣。猶。設。之。顏。柳。曰。天。子。龍。輶。而。惇。憫。諸。侯。輶。而。設。幃。爲。榆。沈。故。設。撥。三。臣。者。廢。輶。而。設。撥。竊。禮。之。不。中。者。也。而。君。何。學。焉。

悼。公。之。母。死。哀。公。爲。之。齊。哀。有。若。曰。爲。妾。齊。哀。禮。與。公。曰。吾。得。已。乎。哉。魯。人。以。妻。我。季。子。臯。葬。其。妻。犯。人。之。禾。申。詳。以。告。曰。請。庚。之。子。臯。

曰。孟。氏。不。以。是。罪。子。朋。友。不。以。是。弃。子。以。吾。爲。邑。長。於。斯。也。買。道。而。葬。後。難。繼。也。

仕。而。未。有。祿。者。君。有。饋。焉。曰。獻。使。焉。曰。寡。君。違。而。君。薨。弗。爲。服。也。

虞。而。立。尸。有。几。筵。卒。哭。而。諱。生。事。畢。而。鬼。事。始。已。既。卒。哭。宰。夫。執。木。鐸。以。命。于。宮。曰。舍。故。而。諱。新。自。寢。門。至。于。庫。門。

二。名。不。偏。諱。夫。子。之。母。名。徵。在。言。在。不。稱。徵。言。徵。不。稱。在。軍。在。憂。則。素。服。哭。于。庫。門。之。外。赴。車。不。載。橐。鞞。有。焚。

文如綴
石本舊盛
本大字本
越本註疏
皆作子貢
以家語證
之子貢

豐下又著
也者字豈
不異

其先人之室則三日哭故曰新宮火亦三日哭
孔子過泰山側有婦人哭於墓者而哀夫子式而聽
之使子路問之曰子之哭也壹似重有憂者而曰然
昔者吾舅死於虎吾夫又死焉今吾子又死焉夫子
曰何為不去也曰無苛政夫子曰小子識之苛政猛
於虎也

魯人有周豐也者哀公執摯請見之而曰不可公曰
我其已夫使人問焉曰有虞氏未施信於民而民信
之夏后氏未施敬於民而民敬之何施而得斯於民
也對曰墟墓之間未施哀於民而民哀社稷宗廟之

下云安不慮
為無廟也
豈不簡者乎
提起二句然
後成其義不
唯明上二句
為古語且有
疊有照應
右邊其封且
號者三八字
為句三謂其
還非謂其號
也荆國王氏
以為哀不足
誤讀為兩句
耳

中未施敬於民而民敬殷人作誓而民始畔周人作
會而民始疑苟無禮義忠信誠懇之心以蒞之雖固
結之民其不解乎
喪不慮居毀不危身喪不慮居為無廟也毀不危身
為無後也
延陵季子適齊於其反也其長子死葬於贏博之間
孔子曰延陵季子吳之習於禮者也往而觀其葬焉
其坎濶不至於泉其斂以時服既葬而封廣輪揜坎
其高可隱也既封左袒右還其封且號者三日骨肉
歸復于土命也若魂氣則無不之也無不之也而遂

行孔子曰。延陵季子之於禮也。其合矣乎。

邾婁考公之喪。徐君使容居來弔。舍曰。寡君使容居坐含。進侯玉。其使容居以含有司曰。諸侯之來辱敝邑者。易則易。于則于。易于雜者。未之有也。容居對曰。容居聞之事。君不敢忘。其君亦不敢遺。其祖昔我先君駒王西討。濟於河。無所不用。斯言也。容居魯人也。不敢忘其祖。

子思之母死於衛。赴於子思。子思哭於廡門。人至曰。庶氏之母死。何為哭於孔氏之廡乎。子思曰。吾過矣。吾過矣。遂哭於他室。

天子崩三日。祝先服五日。官長服七日。國中男女服三月。天下服。虞人致百祀之木。可以為棺槨者。斬之。不至者。廢其祀。勿其人。

齊大饑。黔敖為食於路。以待饑者而食之。有餓者蒙袂輯履。貿貿然來。黔敖左奉食。右執飲。曰。嗟來食。揚其目而視之。曰。予唯不食嗟來之食。以至於斯也。從而謝焉。終不食而死。曾子聞之。曰。微與其嗟也。可去其謝也。可食。

邾婁定公之時。有弑其父者。有司以告公。瞿然失席曰。是寡人之罪也。曰。寡人嘗學斷斯獄矣。臣弑君。凡

在官者殺無赦子弑父凡在官者殺無赦殺其人壞其室洿其宮而豬焉蓋君踰月而后舉爵

晉獻文子成室晉大夫發焉張老曰美哉輪焉美哉

奐焉歌於斯哭於斯聚國族於斯文子曰武也得歌

於斯哭於斯聚國族於斯是全要領以從先大夫於

九京也北面再拜誓首君子謂之善頌善禱

仲尼之畜狗死使子貢埋之曰吾聞之也敝帷不棄

為埋馬也敝蓋不棄為埋狗也丘也貧無益於其封

也亦予之席毋使其首陷焉路馬死埋之以帷

季孫之母死哀公弔焉曾子與子貢弔焉闔人為君

微無也不唯晉而已雖天下亦不能當也漢書微將軍誰不欲者句法同

在弗內也曾子與子貢入於其廐而脩容焉子貢先入闔人曰鄉者已告矣曾子後入闔人辟之涉內雷卿大夫皆辟位公降一等而揖之君子言之曰盡飾之道斯其行者遠矣

陽門之介夫死司城子罕人而哭之哀晉人之覘宋者反報於晉侯曰陽門之介夫死而子罕哭之哀而民說殆不可伐也孔子聞之曰善哉覘國乎詩云凡民有喪扶服救之雖微晉而已天下其孰能當之魯莊公之喪既葬而經不入庫門士大夫既卒哭麻不入

檀弓七

而過之接得
妙無不之也
而遂行請見
之而曰不可
壹似重有慶
者而曰然而
字本是虛字
用作過接有
刀形俱歛瓦
礫亦道
余規禮之
文載事尤妙
如申生死悼
子卒秦穆公
甲重章獻文
子成室及此
節皆妙絕千
古超文入踐
徑之外宋人
謂春秋列國
之世楚多文
人如荷相視
射父原之

孔子之故人曰原壤其母死夫子助之沐椁原壤登
木曰久矣予之不託於音也歌曰狸首之斑然執女
手之卷然夫子為弗聞也者而過之從者曰子未可
以已乎夫子曰丘聞之親者毋失其為親也故者毋
失其為故也

趙文子與叔譽觀乎九原文子曰死者如可作也吾
誰與歸叔譽曰其陽處父乎文子曰行并植於晉國
不沒其身其知不足稱也其舅犯乎文子曰見利不
顧其君其仁不足稱也我則隨武子乎利其君不忘
其身謀其身不遺其友晉人謂文子知人文子其中

流然豈知晉
之文人乎楚
之文深雄奔
放有霸國之
氣晉文曲中
肆隱乃有先
王之風矣文
子知入正喪
目其所取於
前知其所舉
於後一句結
正生下非此
成折腰矣
此與似大東
之詩又似龍
尾羊表隱語
庚詳言離自
有匡非為春
則精雖自有
綏非為范則
冠成人自喪
子舉為之哀
非為兄則死
也三則字有
精神舊賢


退然如不勝衣其言呐呐然如不出諸其口所舉於
晉國管庫之士七十有餘家生不交利死不屬其子
焉

叔仲皮學子柳叔仲皮死其妻魯人也衣衰而繆經
叔仲衍以告請總衰而環經曰昔者吾喪姑姊妹亦
如斯末吾禁也退使其妻總衰而環經

成人有其兄死而不為衰者聞子臯將為成宰遂為
衰成人曰蠶則績而蟹有匡范則冠而蟬有綏兄則
死而子臯為之衰

樂正子春之母死五日而不食曰吾悔之自吾母而

匡背殿錄
也
三句中連用
五言字數
如貫珠
鄭注然猶焉
也陸注問所
以然



不_レ得_レ吾_カ情_ヲ吾_ク惡_シ乎_ヲ用_ニ吾_カ情_ヲ

歲_ニ旱_ス穆_公召_テ縣_子而_テ問_テ然_ニ曰_ク天_久不_レ雨_ヲ吾_欲暴_徒而_レ

奚_若曰_ク天_則不_レ雨_ヲ暴_人之_疾于_虐母_乃不_レ可_レ與_然則_レ

而_レ吾_欲暴_巫而_レ奚_若曰_ク天_則不_レ雨_ヲ而_レ望_之愚_婦人_於

以_レ求_之母_乃已_レ疏_乎徙_市則_レ奚_若曰_ク天_子崩_巷市_七

日_諸侯_薨巷_市三_日爲_之徙_市不_レ亦_可乎_乎

孔子_曰衛_人之_祔也_離之_魯人_之祔_也合_之善_失

檀弓批點下篇尾

寬政戊午

孟子批點

嗣出

延享丁卯年十一月吉日

大坂心齋橋順慶町

澁川清右衛門

書肆

同

堀内忠助

